



FORSVARET

SUODJALUS

## Duohtadieðut Cold Response 2020 hárjehallama birra


Cold Response 2020 lea norggajoðihuvvon hárjehallan masa lihtolaččat ja oasalašnašuvnnat leat bovdejuvvon searvat. Hárjehallandoaimmat bistet njukčamánu 2.beaivvis gitta njukčamánu 18.beaivve rádjai. Olgohárjehus iešalddis, váldohárjehallan, dáhpáhuvvá njukčamanu 12.b gitta 18.b. rádjai.

Badjel 15.000 oasálastit leat dieðihuvvon hárjehallamii. USA, Storbritannia, Nederlánda, Belgia, Duiska, Frankriika, Suopma, Ruotta ja Norga oasálastet veagaiguin hárjehallamiidda.

Birrasiid 20 maritiima fievrut, badjelaš 1000 fievrut ja 50 áibmofievrrut oasálastet hárjehallamiin. Suodjalusa operatiiva váldoguovddáš Bådådjós joðiha hárjehallama.

Riikat	Galle oasálastit (sullii logut)
Norga:	9000
Dánmárku:	100
Suopma:	450
Ruotta:	400
Duiska:	400
Belgia:	100
Nederlánda:	900
Storbritannia:	2000
Frankriika:	400
USA	1500

# Hárjehallanguovlu



Cold Response- doaimmat bohtet čuohcat viidát guovlluide gaska- ja davvi Norggas, erenoamážit rakhánanáigodagas ja loahpahettiin hárjehallama. Eanemus doaimmat leat dattege davágeahčen Nordlándda, eanaš osiin Romssas ja muhtin guovlluin Finnmarkkus. Gáttis ja eatnan alde leat hárjehallama válodoaimmat Ráhkás (Bjerkvik) lulde davás gitta Gárganii (Nordkjosbotn), ja vel muhtin doaimmat Romssas loahpageahčen hárjehallama. Leat maid militearadoaimmat Porsáŋgu birrasis, ja muhtin sajiin Finnmarkkus.

Maritiima doaimmat galget leat miehtá Vestlanda-rittus gitta Finnmarkui. Áibmoveagat girdet eanaš Bådådjós ja Beardugoržis/Bardufoss, muhto muhtin girdit doibmet maiddái Ánddasullos (Andøya). Áibmooperašuvnnat čađahuvvojtit miehtá várrejuvvon áibmolanas, gos earret eará girdet vuollegaččat siskkit Romssas ja Banak-birrasis. Ovdal hárjehusa bohtet leat muhtin ráje ovdahárjehallamat ovttas lihtolašveagaiguin. Earret eará šaddá báhččin militeara báhčinguovluin.

## Manin hárjehallat?

Dáhkidan dihtii sihkarvuoda, diehttevašvuoda ja stáđisvuoda min beali máilmnis, lea dehálaš ahte Norgga lihtolaččat ja guoibmeriikat jeavddalaččat hárjehallet ovttas. Dan dihtii lea Cold Response dehálaš Suodjalussii. Vai min lihtolaččat ja ovttasbargoguoimmit

galget sáhttit beaktilit doarjut Norgga jos heahtedilli dahje soahti buollá, de fertejít hárjehallat Norggas min gáibideaddji dálkkádagas ovttas norgga veagaiguin ráfiágiggis.

Hárjehallan galgá sihkkarastit iežamet ja lihtolaččaid nákca čađahit mán̄gganašuvnnalaš oktasašoperašuvnnaid birrasis mas leat alla-intensiiva soahtan gáibidahkes dálke- ja dálvedilis.

Eará dehálaš oassi hárjehallamis lea min stuorra amfijalaš doaibmanávcca hárjehallat. Dát mearkkaša ahte mii hárjehallat bures máhttit sirddašit rittu ja gátti gaskkas. Dát geavvá nu ahte militeara mearraveagat bohtet gáddái fatnasiid, helikopteriid ja eará militeara kapasitehtaid bokte, rohkkáhan dihtii mihttomeari.

NATO siskkobealde lea Norga njunnošis dálvesoahoteláidesteamis ja mis lea guhkit áigge hárjáneapmi dálvebálvalusas. Dan dihtii lea lunddolaš ahte Norga lea doallogoddi dákkáraš hárjehallamiidda.

## Ollislašsuodjalus

Oassin hárjehallamis galgá Suodjalus ovttas siviila oasálaččain váldit vuostá lihtolaččaid veagaid ollislašsuodjalusa konseaptta eavttuid siste. Nu dahkat danin go nanusmahttin min návcain váldit vuostá lihtolaččaid lea áibbas dárbašlaš jos galgat sáhttit várjalit Norgga heahtedilis.

Jos duođalaš dilli čuožžila, de lea siviilaservvodat ja Suodjalus lotnolassii sorjavaččat nubbi nuppis.

Submi riika siviila ja militeara resurssain, geat barget ovttas eastadit ja birget heahtedilis, veajjuduvvon riidduin ja soađis, gohčodat ollislašsuodjalussan.

Suodjalusa ovttasbargoguoimmit hárjehallama oktavuođas leat earret eará Avinor, Áibmojohtolatbearráigeahču (Luftfartstilsynet), Bane Nor, Stáhta geaidnodoaimmahat, Politiija, Kystverket, Romsa ja Finnmárkku fylka ja hápmaneiseválddit.

## Bovdehus geahčadeapmái

Rabasvuhta lea dehálaš huksen dihtii luohttevašvuoda ja eastadit boasttuáddejumi. Danin čuovvu Norga Wien-dokumeantta mearrádusaid.

Dat lea soahpamuš riikkaid gaskkas mat leat mielde Eurohpa sihkkarvuoda ja ovttasbargu organisašuvnnas/ Organisasjonen for sikkerhet og samarbeid i Europa (OSSE). Soahpamuša ulbmil lea sihkkarastit militeara stáđisvuoda ja unnidit soahtevárra dakko bokte ahte geatnegahttá stáhtaid čađahit sihkarvuoda- ja luohttevašvuodanannen doaimmaid.

Norga lea bovden observevraaid buot 56 OSSE- miellahttoriikkain, maiddái Ruoššas, hárjehallamiidda.

## Sihkarvuhta

Suodjalusas leat ollu doaibmabijut eastadan dihtii lihkohisvuodaid. Suodjalus bargá ovttas siviila etáhtain, ja erenoamážit Stáhta geaidnodoaimmahagain, vuhtii váldit sihkarvuoda. Oasálastit ožžot beaivválačcat oðasmahtton sihkarvuodaraporta, earret eará dálkkiid birra, uðasvárra ja johtolatdilis. Lea maid almmuhuvvon sihkarvuodagihppaga buot oasálastiide geat hárjehallet gáttis. Dasa lassin ceggejuvvo maid báikkálaš sihkarvuodaorganisašuvdna Setermoenis.

## Birasgáhtten

Suodjalus lea čohkken dieđuid báikkálaš diliin, ja lea bargan ovttas iešguđetge almmolaš ásahusain hahkat dieđuid daid guovlluid birra man oasálastit fertejit dahje berrejít garvit, nu mo ovdamearkka dihtii čahcegáldut, guollebiebmohágát ja kulturmuiittut.

Hárjehallamiid plánema vuolde leat norgga beales geavahan dáid dieđuid heivehit hárjehallanguovlluid nu ahte unnidit várra vahágahttir birrasa ja opmodagaid. Dáidda guovlluide ja eará birasdiedđuid mielde leat sajáiduhttán sierra biraskárttaid maid buot oasálasti ossodagat galget geavahit. Lea maid almmuhuvvon diehtojuohkingihppaga birasgáhttema birra mii juhkojuvvo buot oasálastiide ja mii maiddái biddjo Suodjalusa engelasgielat neahttiidduide. (mil.no).

Suodjalus lea čađahan vuđolaš ráhkkanepmi ja mánga geahčadeamit singuin geat galget searvat hárjehallamiidda, nu ahte šaddet oahppásat daidda guovlluide gos galget doaibmat. Hárjehallama vuolde galget hárjehusjođihangodeolbmot ja soaheteduopmárat čuovvut mielde amas ossodagat eai dagat dárbbashmeahttumis vahágiid.

Suodjalusa ja min lihtolaččaid oktasaš mihttomearri lea unnidit váikkuhusaid álbmogiid nu ollu go vejolačcat.

Suodjalus lea mearridan johtolatráddjejupmi ollu guovlluide, nu gohčoduvvon Out of Bounds Areas (luonddusuodjalanguovllut, álbmotmeahcit, kulturmuiittut).

Jos leat áican vahágiid opmodagain dahje luonddus hárjehallama oktavuođas? Cavgil tlf 400 38 526 dahje sáddes šleadgapoastta MBO@MIL.NO.

## Girdinráddjejuvvon guovllut

Vuhtii váldin dihtii girdinsihkkarvuoda Cold Response 2020 hárjehallama vuolde lea Suodjalus ohcama vuodul Áibmojohtolatbearräigehčui ásahan guokte gaskaboddosaš ráddjejuvvon guovllut. Nubbi guovlu lea doaimmas njukčamánu 2.b-23.b rádjai, nubbi fas njukčamanu 9.b-18.b rádjai. Buot girdimat dáid ráddjejuvvon guovlluin mat eai gula hárjehallamii leat gildojuvvon, maiddái girdifievrut ja modeallagirdit main eai leat olbmot. Ráddjejumit eai guoskka girdimiidda mat leat politiija, ambulánssa, ohcan dahje gádjunbargguid olis, nu maid buollinčáskadeamis, muhto eaktuda ovddalgihtii koordineren Norwegian Air Operations Centre (NAOC). Ruvuttojohtaleapmi ovdan ruoktot Bardufossii leat maid lobálačcat.

Johtaleapmái mii ii leat oassin hárjehallamis sáhttá ohcat sierralobi girdit ráddjejuvvo guovlluin. Ohcan sáddejuvvo NAOC'ii unnimusat 72 diimmu ovdal go livče áigumuš girdit. Girdimis ferte leat erenoamáš ávki servvodahkii jos galgá vuoruhuvvot.

Geahča Avinora diehtojuohkinsiiddu [https://avinor.no/globalassets/\\_microsite/ais-portal/aip-sup/en\\_sup\\_a\\_2020\\_001\\_en.pdf](https://avinor.no/globalassets/_microsite/ais-portal/aip-sup/en_sup_a_2020_001_en.pdf) mas leat eanet dieđut gos dát ráddjejuvvo guovllut leat, ja mo sáhtát ohcat sierralobi.

Ráddjejuvvonguovluide gullá maiddái govven ja filbmen áimmus. Nationala sihkarvuodaeiseválldit leat mearridan gieldit atnimis áibmomeale sensoriid 24.2.2020 gitta 24.3.2020 rádjai. Dasa gullá buot govven ja filbmen áimmus. Lea vejolaš ohcat sierralobi gildosis NSM bokte jos ležjet sierranas ja hui dehálaš ákkat dasa. Ohcamis ferte boahtit ovdán mii lea dárbbuid, geográfalaš guovlu ja áigodat, ja ovddiduvvot NSM'ii luft@nsm.no. bokte. NSM boahtá giedjahallat ohcamiid ja digaštallat Suodjalusain ahte galget go ávžžuhit miehtat dasa. Dasa lassin lea eaktun ahte eai makkárge suddjenvearál dieđut álmmuhuvvojít diehtočohkkemis.

Eanet dieđuid gávnat Nationala Sihkarvuodaeiseváldi/Nasjonal Sikkerhetsmyndighet neahttiidduin: <https://www.nsm.stat.no/om-nsm/tjenester/fysisk-sikring/foto-fra-lufta/>

## Hárjehallan čuohcá njuolgut čuovvovaš fylkkaide ja suohkaniidda:

### Nordlándda fylka

Suohkanat: Áhkánjárga/Narvik, Lodegat/ Lødingen, Evenášši/ Evenes, Suorta/Sortland, Andøy, Vågan ja Hadsel.

### Romsa ja Finnmárku fylka

Suohkanat: Romsa/Tromsø, Hárstták/ Harstad, Giehtavuotna/Kvæfjord, Dielddanuorri/Tjeldsund, Ivvárstádit/Ibestad, Rivtták/Gratangen, Loabát/Lavangen, Beardu/Bardu, Siellatgielda/Salangen, Málatvuopmi/Målselv, Orjješ-Ráisa/Sørreisa, Divrrák/Dyrøy, Sáččá/Senja, Balsfjord, Gálsa/Karlsøy, Ivgu/ Lyngen, Omasvuotna/ Storfjord, Gáivuotna ja Skíervvá/Kåfjord og Skjervøy, Ráisa/Nordreisa, Návuotna/ Kværnangen, Guovdageaidnu/Kautokeino, Kárášjohka/ Karasjok, Porsáŋgu/Porsanger, Deatnu/Tana, Unjárga/Nesseby ja Mátta- Várjjat/Sør-Varanger.

## Diehtojuohkin álbmogii

Rabasvuohta ja buori diehtojuohkin lea dehálaš midjiide. Neahttiiddus <https://forsvaret.no/coldresponse> gávnat áigeguovdilis dieđut hárjehallama birra.

Jos áiggut vuodjit geainnuid mielde daid dihto guovlluin, de berret iskat johtolatdieđáhusaid ja ráhkkanit johtaleami dan mielde. Jos militeara ráidu boahtá ovddal, de lea dehálaš muhtit ahte militeara vuddjiin sáhttá leat gáržiduvvón oaidninvejolašvuohta.

Operatiiva johtolatdieđut galget leat neahttiiddus vegvesen.no/trafikk.  
Geaidnojohtolatguovddáš Davvi álmmuha dađistaga dáhpáhusaid ja dilálašvuodaid birra  
Twitteris. Johtaleaddjit ja earát geaidda guoská sáhttet maiddái riŋget  
Geaidnojohtolatguovddáš Davvi, tlf nr .175.

Stáhta geaidnojohtolat boahtá njuolgut gulahallat ovddalgihtii singuin geaidda  
earenoamážit čuohcá. Dieđut leat gávdnamis Stáhta geaidnodoaimmahaga  
neahttiidduin ja mii boahtit aktiivvalaččat dieđuid juohkit maiddái media bokte.

## **Diehtojuohkin mediai**

Mediat sáhttet váldit oktavuođa Suodjalusa operatiiva váldoguovddáža preassavávttain tlf  
404 38 083 dahje šleađgapoasta bokte [info@njhq.no](mailto:info@njhq.no) fitnet dieđuid hárjehallama birra.

Njukčamanu 1.-18.b rádjai boahtá leat preassa- ja diehtojuohkinguovddáš Rustad Leairras  
Bardufossas gos media sáhttá fitnat dieđuid háhkamin hárjehallama birra.